

**Fødevarestyrelsenip (inuussutissalerinermut aqutsisoqarfik) Ruslandimut killilersuutinik  
naammassinninnera pillugu Kalaallit Nunaannut nalunaarut**

Fødevarestyrelsenip Ruslandimut aamma Belarusimut killilersuutinik naammassinninnera pillugu Kalaallit Nunaannut nalunaarut nr. 242, 7. marts 2023-meersumi § 2, § 4 aamma § 6, imm.1, malillugit piginnaatitsinikkut aalajangersarneqarput:

Kapitali 1  
*Atuuffii*

**§ 1.** Nalunaarut tulliuttunut atuutissaaq, Ruslandip iliuousai, Ukrainemi pissutsinik allanngujasunnngortitsisut, tunuliaqutaralugit killilersuutit pillugit Rådetip peqqussutaa (EU) nr. 833/2014, 31. juli 2014-imeersoq naapertorlugu tunisassiat killilersorneqarpata, kingullermik allanngortinneqartoq Rådetip peqqussutaatigut (EU) 2024/745, 23. februar 2024-meersukkut.

- 1) Ruslandimiit aalisakkanik amma aalisakkanit tunisassianik eqqussinermi Kalaallit Nunaanni nakorsaqaarnikkut nersutinik misissuineq.
- 2) Tunisassianik uumasunit pinngorfeqartunik Kalaallit Nunaanniit Ruslandimut niuerneq.
- 3) Tunisassianik uumasunit pinngorfeqartunik Ruslandimiit nammineerluni eqqussuineq.
- 4) Tunisassiat Kalaallit Nunaanniit Ruslandimut tuniniarneqartussanut, tunniunneqartussanut, nuunneqartussanut imaluunniit niuerutigineqartussanut tunngatillugu teknikkikkut ikiunneq, akunnermiliuttutut niuerneq imaluunniit allatut kiffartuussineq.

*Imm. 2.* Tamatuma saniatigut nalunaarut tunisassianik uumasunit pinngorfeqartunik Kalaallit Nunaanniit Ruslandimut niuernermut atuutissaaq, tunisassiat taakkua killilersorneqarpata.

Kapitali 2  
*Killilersuutit*

**§ 2.** Killilersuutit, Rådetip peqqussutaani (EU) nr. 833/2014, 31. juli-meersumi artikeli 3h, imm. 1-imi, imm. 2, litra a-mi, imm. 2a-mi, imm. 3-mi, imm. 4-mi, aamma artikeli 3i, imm. 1-imi, imm. 2, litra a-mi, imm. 3a-mi, aamma imm. 3c-mi, aamma artikeli 3k, imm. 1-imi, imm. 2, litra a-mi, imm. 4-miit 5-imut, aamma imm. 6-imi aalajangersarneqartut, tak. peqqussummut uunga ilanngussaq 1, assinganik Kalaallit Nunaannut atuutissapput.

**§ 3.** Fødevarestyrelseni tunisassianut Rådetip peqqussutaani (EU) nr. 833/2014, 31. juli 2014-imeersumi artikel 3h-mi aamma artikel 3k-mi allassimasut malillugit inerteqqutaasutut allassimasut avammut tuniniarneqarsinnaanissaannut akuersissutinik tunniussineq ajorpoq.

**§ 4.** Fødevarestyrelsenip Rådetip peqqussutaani (EU) nr. 833/2014, 31. juli 2014 artikel 3i-mi tunisassiatut allassimasut isumannaarinnissutaasumik misissuiffigineq ajorpai.

### Kapitali 3

#### *Pillaaneq aamma atuutilersitsineq*

**§ 5.** Imaassimangippat inatsisit allat malillugit sakkortunerusumik pineqaatissiisoqarsimasoq, Ruslandip iliusai tunuliaqutaralugit, Ukrainemi pissutsinik allanngujasunngortitsisunik, killilersuutit pillugit Rådetip peqqussutaani (EU) nr. 833/2014, 31. juli 2014-imeersumi, artikeli 3h, imm. 2, litra a-mik, artikel 3i, imm. 2, litra a-mik, imaluunniit artikeli 3k, imm. 2, litra a-mik unioqqutitsisoq akiligassinneqarnermik eqqartuunneqarsinnaavoq.

*Imm. 2.* Ingerlatseqatigiiffiit il. il. (inatsisitigut pisinnaatitaasut pisussaataasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pinerluttulerinermi akisussaatinneqarsinnaapput.

**§ 6.** Nalunaarut ulloq 25. November 2024 aallarnerfigalugu atuutilissaaq.

*Imm. 2.* Fødevarestyrelsenip Ruslandimut killilersuutinik naammassinninnera pillugu Kalaallit Nunaannut nalunaarut nr. 1241, 16. oktober 2023-meersoq atorunnaarsinneqarpoq.

**Ruslandip iliuusai, Ukrainemi pissutsinik allanngujasunnngortitsisut, tunuliaqutaralugit killilersuutit pillugit Rådetip peqqussutaanit (EU) nr. 833/2014, 31. juli 2014-imeersumit tigulaakkat.**

artikel 3h.

1. Inerteqqutaavoq toqqaannartumik toqqaannanngitsumilluunniit ilanngussaq XVIII-mi allassimasunik tuniniaanissaq, pilersuinissaq, nuussinissaq imal. pisiassanik akisuunik avammut ingerlatitsinissaq, apeqqutaatinnagu ingerlatitsinissaq inunnet ataasiakkaanut suusunulluunniit, imal. sunut Ruslandimi ingerlanneqartunut imal. pineqartut Ruslandimi atugassanik ingerlatitsinissaq, apeqqutaatinnagu pineqartut Union-imeersuunersut.

2. Inerteqqutaavoq:

- a) imm. 1-imi taaneqartunik nioqqutissanik aammalu nioqqutissanik taaneqartunik tunniussinermut, pilersitsinermut, aserfallatsaaliinermut aamma atuinermt atillugu Ruslandimi inunnet imaluunniit inunnet inatsisitigut pisinnaatitaasunut pisusaatitaasunullu, immikkoortortaqaarfinnut imaluunniit suliffeqarfinnut toqqaannartumik imaluunniit toqqaannanngitsumik teknikkikkut ikiuineq, akunnermiliuttut niuerneq imaluunniit allatut kiffartuussineq imaluunniit Ruslandimi atuneq.

*(2. litra b. Kalaallit Nunaannut atuutinngilaq)*

*(2. litra c. Kalaallit Nunaannut atuutinngilaq)*

2a. Imm. 1-imi aamma 2-mi inerteqqutit taaneqartut nioqutissanut inuulluarniutinut, ilanngussaq XVIII-mi allatorneqarsimasunut atuupput, taakkua ataasiakkarlutik nalingi 300 EUR qaangerpagit, imaassimangippat ilanngussani taaneqartuni allatut aalajangersagaqartoq.

3. Imm. 1-imi inerteqqusiissut atuutsinneqanngilaq nioqutissanut, nunanut allanut naalackersuinikkut allatulluunniit suleqatigiinnernut imal. nunarsuaq tamakkerlugu suliniaqatigiiffiinit pisariaqartunut atasumik tunngaveqarpata Ruslandimilu aallartitaqarnikkut inissisimaffiusuni, inatsisit naapertorlugit illersugaasuni imal. sulisorisassa immineq pigisaannut attuumassuteqartut pineqartillugit.

*(3a. Kalaallit Nunaannut atuutinngilaq)*

4. Imm. 1-imi qanorluunniit allassimasoqaraluarpuunniit oqartussaasuuviusut Ruslandimut piorsarsimassutimut attuumassuteqartunik nuussilluniluunniit nassiussinnaaneq akuerisinnaavaat, pineqartillugit taamaattut piorsarsimassutsikkut Ruslandimik suleqateqarnermt attuumassuteqartut.

*(4a. Kalaallit Nunaannut atuutinngilaq)*

artikel 3i

1. Inerteqqutaavoq toqqaannartumik toqqaannangitsumilluunniit Ruslandimut pingaaruteqartumik isertitsissutaasinnaasunillu pisinissaq, tikisitsinissaq tunisassianilluunniit nuussinissaq, taamallu iliuuseqarsinnaalersitsinissaq, Ukrainimik suli annertunerusumik eqqissisimajunnaartitsissutaasin-naasumik, tak. tunisassiat suusinnaanerinik ilanngussaq XX1-imi allanneqarsimasut, pineqartut Ruslandimeersuuppata imal. Ruslandimut nassiunneqqartussaappata.

2. Inerteqqutaapput:

- a) imm. 1-imi inerteqquteqarnermut atatillugu, imm. 1-imi taaneqartunut nioqqutissanut aamma teknologimut atatillugu, toqqaannartumik toqqaannangitsumilluunniit teknikikkut ikiuineq, akunnermiliuttutut niuerneq imaluunniit allatut kiffartuussineq aamma nioqqutinik aamma teknologinik taaneqartunik tunniussinermut, pilersitsinermut, aserfallatsaaliinermut aamma atuinermut atatillugu.

*(Imm. 2, litra b aamma c Kalaallit Nunaannut atuutinngillat)*

3a. Imm. 1-imi allassimasut naapertorlugit inerteqqusiaasut atuutinngillat pineqartillugit suut naalagaaffiit ilaasortaasut aallartitaqarnikkut allatulluunniit attaveqarnikkut pisariaqartitaat, soorlu aallartitaqarnerit, sinniisoqarfiit paasititsiniaanermillu ingerlanneqartut imal. naalagaaffinni ilaasortaasuni sulisorisanut atatillugu innuttaasunut ataasiakkaanut ilaqquttatullu qanigisaasunut attuumassuteqartut.

3aa. Naalagaaffiup ilaasortaasup oqartussaarfii piginnaatinneqartut nioqqutissanik inunnut, unionenimut angalasunut, imaluunniit taakkua ilaqquttatut qaniginerpaasaannut, aalajangersimaqqissaartunut atugassiaasunik eqqussuineq akuerisinnaavaa, inunnut atugassiaannarnik, inunnit pineqartunit pigineqartut, aammalu erseqqissumik tuniniagassaanngitsunik.

*(3ab. Kalaallit Nunaannut atuutinngilaq)*

*(3ac. Kalaallit Nunaannut atuutinngilaq)*

*(3ad. Kalaallit Nunaannut atuutinngilaq)*

*(3ca. Kalaallit Nunaannut atuutinngilaq)*

*(3cb. Kalaallit Nunaannut atuutinngilaq)*

*(3cc. Kalaallit Nunaannut atuutinngilaq)*

*(3cd. Kalaallit Nunaannut atuutinngilaq)*

3c. Sunik imm. 1 aamma 2-mi ilanngussaq XXI-imi allassimasunut atatillugu allassimasoqaraluarpalluunniit oqartussaasuviusut akuerisinnaavaat pisiniarsinnaanerin, tikisitsisinnaanerin nioqqutissanillu pineqartumi allanneqarsimasunik nussuisinnaanerin imal. pineqartunut atatillugu teknikkikkut aningaasaliinikkullu pilersitsinernut, ingerlatsinernut, aserfallatsaaliuinernut, ikummatissaqarnikkut, qinngornernik ulorianartunik isumannaallisaanernut inerisaaqqinnernut, soorlu assersuutigalugu Paks II-projekti, pilersitsinernut atuinernullu sakkussiaanngitsunik inaarsaanernut atatillugu pisariaqartinneqartut, atortussanik imal. teknologiit atortussanik mianernartunik qinngornernik ulorianartunik nakkutilliinernut atugassanik aamma qinngornernik ulorianartunik akoqartunut atatillugu suleqatigiinnernut attuumassuteqartut, minnerunngitsumik ilisimasassarsiorlunilu ineriartortitsinissamut pisariaqartinneqartutut inissisimasut.

*(3da. Kalaallit Nunaannut atuutinngilaq)*

*(3e. Kalaallit Nunaannut atuutinngilaq)*

*(4. Kalaallit Nunaannut atuutinngilaq)*

*(5. Kalaallit Nunaannut atuutinngilaq)*

### artikel 3k

1. Inerteqqutaavoq toqqaannartumik toqqaannangitsumilluunniit Ruslandimi inunnut ataasiakkaanut, suliniaqatigiiffinnut Ruslandimullu pingaaruteqartunik atugassanik isertitsissutaasinnaasunillu pisinissaq, tikisitsinissaq tunisassianilluunniit nuussisinnaaneq, taamallu iliuuseqarsinnaalersitsinissaq, Unionenimi pinngorfeqarsinnaaner atapeqqutaatinnagu, aammalu ilanngussa XXIII-imi allanneqarsimasut, pineqartut Ruslandimiittunit Ruslandimilu atugassaappata.

*(1a. Kalaallit Nunaannut atuutinngilaq)*

2. Inerteqqutaapput:

- a) Imm. 1-imi teknikikkut toqqaannartumik toqqaannangitsumilluunniit ikiuinissamut, isumaqatigiissuteqarnernerinik ingerlatsininissat imal. tunisassianut teknonologiikkulluunniit imm. 1-imi allassimasunut attuumassuteqartutigit imm. 1-imi itigartitaasunik pilersuinernut, sanaartornernut, aserfatsaaliuineranut aammalu pineqartunik atuineranut tunngassuteqartut, pineqartut inunnit ataasiakkaanit assigisaannilluunniit, Ruslandimilu suliniaqatigiiffinnit Ruslandimi ator neqarsinnaappata.

*(Imm. 2, litra b aamma c Kalaallit Nunaannut atuutinngillat)*

*(3aa. Kalaallit Nunaannut atuutinngilaq)*

*(3ab. Kalaallit Nunaannut atuutinngilaq)*

*(3ac. Kalaallit Nunaannut atuutinngilaq)*

4. Imm. 1 aamma 2-mi inerteqqusiussat atuutissanngillat pineqartillugit naalagaaffiit ilaasortaasut aallartitaqarnikkut allatulluunniit attaveqarnerinut pisariaqartitaat, soorlu aallartitaqarnerit, sinniisoqarfiit paasititsiniaarmillu ingerlanneqartut imal. naalagaaffinni ilaasortaasuni sulisorisanut atatillugu innuttaasunut ataasiakkaanut ilaqquttatullu qanigisaannut attuumassuteqartut.

5. Naalagaaffinni ilaasortaasuni oqartussaasuussut naliliinertik naapertorlugu tunngaviussaqaqarsorigunikku ilanngussa XXIII-mi allassimasut tunngavigalugit tunisinissanut, nussuinissanut imal. tunisassianik teknologiinillu avammut tunisinissanut, imal. pineqartunut pisariaqartumik teknikkikkut atortussanik aningaasiliissutissanillu akuersisinnaapput, aaliangiutereerunikkulu taamatut iliornissaq makku tungaannut pingaartuusooq, akuersisinnaapput:

- a) nakorsaanissanut allatullu katsorsaanissanut imal. inunnut sammisutigit siunertaqartunut, soorlu nakorsaatini uningasuuteqarnerinut imal. ikiuinissamut oqilisaataasunut, nerisassanut, imal. ikiuiniarluni suliusaqaqarnermut, ajunaarfinnit allamut nussuinissanut assigisaannullu sammisunik, akuersisinnaapput.
- b) taamallat nalagaaffimmit ilaasortaasumit akuersisumit aqunneqarsinnaalluinnartumik ator neqartussanut, soorlu Ruslandip naalagaaffiullu ilaasortaasup akornanni sivisuumik attartornissamik isumaqatigiissutinut sammisut eqqarsaatigalugit, imal.

- c) orsussanik ingerlatissanut qinngornernillu ulorianartunik atuineranut atatillugu aserfallatsaaliuineranut aammalu piusunik tannertusaqqinnernut, pilersitsilluni sanaartornernut inaarsaanissanullu, soorlu assersuutigalugu Paks II-projekti, aammalu atuinissamut pisariaqartut eqqarsaatigalugit aamma katsorsaaneranut atatillugu atuinissamut pilersitsinissamut assigisaannullu atortussatigut atugassat eqqarsaatigalugit imal. eqqarsaatigalugit teknologiit malussarissutut mianernartut qinngornernik ulorianartunik nakkutiginninnissamut atortussat sakkuliornissamillu siunertaqanngitsumik aallaaveqartut, minnerunngitsumik ilisimasassarsiornermi ineriartortitsinermilu suleqatigiinnermut sammisut, eqqarsaatigalugit.

(5a. Kalaallit Nunaannut atuutinngilaq)

(5b. Kalaallit Nunaannut atuutinngilaq)

(5c. Kalaallit Nunaannut atuutinngilaq)

6. Oqartussaasuusuviusulli imm. 5, 5a aamma 5b-mi taakkartorneqartut tunngavigalugit akuersinissamik tunniussinissaq aaliangiukkunikku, Ruslandimi inunnut ataasiakkaanut allanullu ingerlatsivinnut suliniaqatigiiffinnullu tunisissanngillat, tunngavissaqartumik pasitsaassigunik, tunisassiat pineqartut sakkutooqarnermut atorniarneqarsinnaasut.

#### BILAG XVIII

##### *Nioqqutissiat inuulluarniutit suuneri, tak. artikeli 3h*

NASSUIAASIAQ ilisarnaasersuutit atorneqartut akuleriaagaasumik ilisarnaasersuutigineqarsimasunit tigusaapput, ilanngaaserineranut aamma kisitsisitigut takussutissatigut nomenklaturi aamma Den Fælles Toldtarifi pillugit Rådetip peqqussutaani (EØF) nr. 2658/87<sup>1</sup>, 23. juli 1987-imeersumi artikeli 1, imm. 2-mi nassuarneqartutut aamma ilanngussaq I-mi aalajangersarneqartutut, peqqussutip piffissami saqqummiunneqarnerani atuuttut aammalu inatsisitigut kingornatigut allanngortinneqartut assinganik atuutissapput.

#### 1) Hiistit

ex	0101 21 00	Akuitsumik piaqqiortitat
ex	0101 29 90	Ingerlasut allat

#### 2) Kaviarit aamma kaviarinut taarsusiat

ex	1604 31 00	Kaviarit
ex	1604 32 00	Kaviarinut taarsusiat

#### 3) Trøflit taakkuninngalu piareersaallu i suliaqarnerit

ex	0709 56 00	Trøflit
ex	0710 80 69	Nioqqutissiat allat
ex	0711 59 00	Nioqqutissiat allat

<sup>1</sup> Rådetip akileraarusersuinerit pillugit naatsorsueqqissaarusiaat aammalu akileraarusersuineranut tunngavik tamanut atuuttoq pillugu Rådetip peqqussutaa (EØF) nr. 2658/87, 23. juli 1987, kingullermik ilanngussaq 1 pillugu allanngortinneqartoq nr. 2658/87-imiit Rådetip peqqussutaani (EU) 2022/2465, 12. december 2022-mi

ex	0712 39 00	Nioqqutissiat allat
ex	2001 90 97	Nioqqutissiat allat
ex	2003 90 10	Trøflit
ex	2103 90 90	Nioqqutissiat allat
ex	2104 10 00	Suppit bouillonillu kiisalu tamakkuninnga pilersitsinerit
ex	2104 20 00	Nioqqutissiat orsortaasup puttallannginnissaa anguniarlugu suliarisat
ex	2106 00 00	Nerisassatut nioqqutissat, allani allanneqarsimangitsut

12) Nerinermut atortut aamma saffiugassanik erlinnartunik imaluunniit sølvinnngortitanik, guldinnngortitanik imaluunniit platininnngortitanik imaluunniit saffiugassat erlinnartut atorlugit marlungngortitanik agguinermut aamma killuinermt atortut allat

ex	8215 00 00	Alussaatit, ajassaatit, potage alussaatit, alussaatit norlullit, kaaginit alussaatit, aalisakkanut saviit, punnermt saviit, sukkunut tigutsisit aamma igaffimmi aamma nerrivimmi artikelit atugassat assigisaat
----	------------	---

13) Nerrivimmi atortut porcelænit, ujaqqanit sanaat, fajancit imaluunniit marrat

ex	6911 00 00	Nerrivimmi atortut, igaffimmi artikelit aamma illup iluani suliaqarnermt artikelit allat kiisalu perusersartarfimmi artikelit porcelænit
ex	6912 00 23	Ujaqqanit
ex	6912 00 25	Fajancenit imaluunniit marrarnit
ex	6912 00 83	Ujaqqanit
ex	6912 00 85	Fajancenit imaluunniit marrarnit
ex	6914 10 00	Porcelænimmit
ex	6914 90 00	Nioqqutissanit allanit

#### ILANNGUSSAQ XXI

*Tunisassiat teknologiillu allattorsimaffii, tak. artikeli 3i*

#### Immikkoortoq A

KN -kode	Niqqutissiat atii
0306	Qaleruallit aamma qaleruaqanngitsut, uumasut, nutaat, nillartaartitat, qerititat, panersikkat, tarajortikkat tarajortikkamillu imermiititat, qaleruallit pujuukkat, aamma qaleruaqanngitsut, aamma pujoornerini siusinnerusukkullu qalaanneqarnikuusut, qaleruallit qaleruaajagaanngitsut, qalatat aalamilluunniit uutat, aamma nillartaartitat, qerititat, panersikkat, taratsersukkat imal. issermi tarajulimmiititat.
1604 31 00	Kaviarit
1604 32 00	Kaviarimut taarsusiaq

#### ILANNGUSSAQ XXIII

*Tunisassiat teknologiillu artikeli 3k-mi pineqartut*

Immikkoortoq A

KN-kode	Nioqqutissap aqqa
5105	Uumasut meqqi qituttut imaluunniit qeratasuut, illaaqqissaakkat imaluunniit imusat (tassunga ilagitillugit meqqut mikisukkuutaat imusat)